



I.E.S. POLITECNICO DE VIGO  
Rúa Conde de Torrecedeira, 88  
36208 Vigo (PONTEVEDRA)  
Tfno: 986 21 30 25  
Fax: 986 20 81 75



XUNTA  
DE GALICIA



## IV CONCURSO FOTOGRAFICO XUVENIL “Ningunha Máis”

### IES POLITÉCNICO DE VIGO

A Vicedirección do IES Politécnico de Vigo en colaboración coa profesora responsable de Audiovisuais Cristina González Treceño e a profesora responsable da Área de Igualdade Eva Piña Rodríguez, convoca o **IV Concurso Fotográfico Xuvenil “Ningunha máis”** co obxectivo de fomentar valores que eliminen a discriminación que permite a existencia da violencia contra as mulleres.

Este tipo de violencia é un problema social arraigado nunha estrutura machista que inflúe en todos os ámbitos da vida, xa que logo é a sociedade no seu conxunto responsábel de previr e erradicar o machismo e o maltrato contra as mulleres, sendo necesaria a xeración dunha cultura da igualdade, a través da colaboración social, para poder previr estas condutas, detectar calquera síntoma de violencia e actuar ante a mesma.

#### BASES DO CERTAME

##### *Primeira.- Participantes*

Poderá participar calquera **xove fotógrafo/a entre 16 e 21.**

##### *Segunda.- Temática*

A temática do concurso será a conmemoración do **25 de novembro, Día Internacional da Eliminación da Violencia Contra a Muller.**

##### *Terceira.- Condicións das obras*

Cada participante poderá presentar un máximo de 3 fotografías.

Non se aceptarán fotografías premiadas con anterioridade noutros certames ou concursos.

A persoa participante manifesta e garante que é a/o única/o titular de todos os dereitos de autoría sobre a fotografía que presenta ao concurso e responsabilízase totalmente de non existiren dereitos de terceiras persoas nas obras presentadas, así como de toda reclamación de terceiros por dereitos de imaxe.

As/os menores de idade deben estar autorizadas/os para a publicación dos seus dereitos de imaxe, sen a cal non poderán protagonizar ningunha fotografía.

##### *Cuarta.- Condicións de participación*

A inscrición e envío das fotografías ao concurso farase a través do enderezo de correo electrónico **ies.politecnico.vigo@edu.xunta.es** indicando no Asunto IV CONCURSO FOTOGRAFICO “NINGUNHA MÁIS”, facilitando no texto do correo os seguintes datos:

*Nome e apelidos*

*Nivel, curso e grupo.*

*Dirección de correo electrónico de contacto*

*Título da obra*

*Instituto no que está matriculado/a (se non é o Politécnico de Vigo)*



**I.E.S. POLITECNICO DE VIGO**  
Rúa Conde de Torrecedeira, 88  
36208 Vigo (PONTEVEDRA)  
Tfno: 986 21 30 25  
Fax: 986 20 81 75



**XUNTA  
DE GALICIA**



## **Presentación dos traballos**

As fotografías deben presentarse en formato dixital. Deben de ser arquivos JPG e ter un tamaño mínimo de 2048 x 2048 píxeles. O peso de cada arquivo non debe exceder o máximo de 5 Mb. Cada fotografía deberá enviarse con cadanseu correo electrónico, aceptándose apenas unha fotografía por cada envío.

## **Período de presentación**

**Até o 14 de novembro de 2018.**

### *Quinta.- Formación do xurado*

O xurado, que respetará a igualdade de xénero na súa composición, estará presidido polo director do IES Politécnico de Vigo e composto polos seguintes membros:

- A vicedirectora,
- A responsable da Área de Igualdade do instituto.
- A responsable de Medios Audiovisuais do Instituto, que actuará como secretaria.

### *Sexta.- Selección de obras*

O xurado realizará unha selección daquelas fotografías que, pola súa calidade, poderán ser obxecto de exposición no instituto. De entre todas as fotografías elixirase unha gañadora do **PRIMEIRO PREMIO** e outra gañadora dun **ACCESIT**.

Rexeitaranse aquelas fotografías que puidesen ser ofensivas á intimidade persoal, familiar ou a propia imaxe das persoas. Valorarase a creatividade e a calidade fotográficas, así como a contribución das imaxes presentadas ao tema proposto.

O fallo do xurado será definitivo e inapelábel.

Finalizado o prazo de presentación, o fallo do xurado publicarase na páxina web do instituto.

### *Sétima.- Premios*

**Primeiro premio: Un trípode fotográfico.**

**Accesit: Un trípode de móbil.**

### *Oitava.- Cesión e autorización de dereitos*

Os dereitos de autor/a mantéñense, cedendo gratuitamente as/os autoras/es das fotografías seleccionadas e premiadas ao IES Politécnico de Vigo os dereitos de uso, reprodución, difusión, distribución, publicación, transformación, así como calquera outro dereito de explotación que puidese dar lugar, sobre as obras fotográficas, por si ou por terceiros, sen limitación de tempo, citando sempre que sexa posíbel o nome do/a autor/a.

### *Novena.- Entrega de premios*

Os premios entregaranse nun acto público o venres 23 de novembro de 2018.

### *Décima.- Aceptación das bases*

O feito de participar no concurso supón a total aceptación destas bases e dos seus termos e condicións.